

خيم بگلابي الألم لمن بحزنه هجم
عاشر وأذن أذان الفاجعة وحل موعدده
معركة وخوف ورعب ومن بعد طعن وضرب
ساعة وحدة وانحسر موج الأسل والگر هذه
عالتري نشوف انكدرت من انجوم ابو الاحرار خمسين
ضحت الدم والنفس والمال والأرواح لحسين
عقب ما دمهم نهل دارت عيوننه الأجل
يم خيام أهل النبوة والحسين وعيآته
صوت الأجل انسمع كل سبع منهم طلع
امن الخيم ويرحب بموته ويناطر ذبحته
نادى جاسم لا تجي يا موت ويمك أنا قادم
للمعارك و أرد اكون اول شهيد من الهواشم

لوموتي حل طعم الأجل لابن الطهر
مثل العسل أفدي العمر أنا ابن المجتبى سبط النبي الأمين
لأجل عمي وفدا دمي أفدي روعي لعمي وأفديه بدما الوتين

لنه شاب آخر ينادي وصوته اعتلا أشبه الوادم نظنه بسيد الملا

الاكبر أنا وعندني المني أكضي بفخر جنب النهر
بطعن القنا بنزف النحر يا ابن عمي دخيلك اترك الحرب
وجمر وجدي وعطش جبدي

وكلى أمك ما تظل في ليلة العرس جبلك بحد البواتر أبذل النفس

ياأكبر مو بالخيم أمي رادت تشوف
عرس وشموع وفرح زفة وحنة چفوف
تريد أمي بالنبل والأرماح والسيف
زفافي للجنة من بوابة هالطفوف
وقف بالألم ينظر إهم حسين
جذب حسرته وهل دمعه للاثين
رفع ايده للسما وصار بهم ينادي
يربي يا ذا العلا اشهد عالآعادي
خذوا فلذة جبدي وقطعة من فؤادي
وتكطع الأکبر علي وجاسم بالهنادي
شباب ووسف راحوا للمنيّة
أزفهم صرت للمصرع بيديّه

من نوايب هالدهر كلبى بالهم استعر
والدهر حزنه كسر ظهري وعلى صدري جثم
أنا أم ومما رحم كلبى وسهام الألم
ظلت تصوب دليلى وكل سهم يتبع سهم
وبسما الروح ملتدة غيوم الكدر وأظلم فضاها
تمطر جروح وامتلت روحى من جروحي وأساها
أشعر بكلبى شمع يشعل خلف الضلع
وبلهب أحزانه ذاب بصدري كلبى وانصهر
أبجى وأعله ابني أون تحفر دموعي الوجن
صبت عيوني على خدي من دموعي نهر
جاسم ابني من عجب عينك تركها عيني النوم
يا حبيبى خذني وياك وأبات بقبرك اليوم

ردتك نخر بينى وأزر
وطول الأمد عون ومدد
يبني عودك من غرسته بواسطة الضلوع
وكت الكبر وسند ظهري
وكت الشدد ومحن دهري
وصرت أرويه من سهر عيني ومن الدموع

چنت اظن غصنك يجاسم بينى لو كبر
أسنظل بفروعه ويغمرنى بالثمر

ضاع السهر ودمع النظر
وشفت الكلب فوگ الترب
يبني من شفتك ذبيح وعالثرى طريح
عودى انكسر الغصن طايح
ظل منخضب فى دم سباح
كل سهر جفنى شفت من منحرك يسيح

چنت اظن بينى بزفافك أنثر الورد
ما حسبت أقطع دليلى وانثره بلحد

يجاسم كلما شفت شباب اذكر جمالك
ويمر طيفك بالجفن واذكر ما جرى لك
قبل ما يبدر وسف خسفوا لك هلالك
اعتنالى ريته الأجل من يوم اعتنالك
عفت دنيتى يوم تهاوى نجمك
ردت موتتى حتى اتغنى يمك
نحل جسمي واشتعل فى راسي مشييه
وحننت ظهري وهدت أركاني هالمصيبة
يجاسم فكدك جرح ما يحصل طبييه
وردت بس منك الأجل يمي الرب يجييه
واريده بعجل ياخذ باقى روحى
فقط بالأجل تتعافى جروحي